

1. oktober 2013

UKA 2013/8
Finn Karlsen

Inatsisartut ilassutitut aningaasaliissutissatut 2012 siunnersuutaat.

(Aningaasaqarnermut Nunamullu Namminermt Naalakkersuisoq)

Inatsisartut ilassutitut aningaasaliissutissatut 2012-imi siunnersuutaanut tunngatillugu Si-
umumiit imaatumik oqaaseqassaagut.

Naliginnaalluinnarpoq aningaasnik inatsisissamik suliarinninnerup kingorna ukiup ingerla-
nerani immikkut aningaasaliiffisarialinnik takkuttoqartarnera.

Aamma taamaapoq aningaasaliissutaasimagaluartunik atunngitsuusussangorsimagaanni.

Tamanna pisariaqalersarpoq qanorluuniit pikkorissutut imminut taakkartoraluaraanni.

Tamanna pisariaqalersimatillugu Naalakkersuisut Aningaasaqarnermut Ataatiimiitaliamut
qinnuteqarnermikkut pisariaqartitsineq inatsisit malillugit naammassiniarneqartarpoq.

Ilaatigut assersuutitut taaneqarsinnaasoq soorlu suliffissaaleqisunut akiuiniarnermut tun-
ngatillugu piffissaagallartillugu aningaasanut inatsisissap suliarinerinut ilanngutinngitsoor-
neqarnera tunngavigalugu, suliffissaaleqinermt akiuiniarnissaq soqutigineqarpallaarsi-
mannginnermat, aningaasanut inatsisip akuersissutigineqarnerata kingorna qaammati-
mininnguit qaangiunnerini Naalakkersuisunit qinnuteqaatigineqarpoq suliffissaaleqinermt
akiuiniarnermt atugassanik aningaasanik 27 mio. koruunit immikkut aningaasaliissutigi-
neqassasut. Ilinniartitaanermt tunngatillugit sanaartukkat 40 mio. koruunit missarpiaani
ilinniartut inaanik sanaartorneq 50 mio. koruunit. Tassa aningaasanik missingersuusior-
nermi ilisimaneqarsinnaasimasariaqaraluartut. Tamakku piffissaagallartillugu pisimangik-
kaluartut pisariaqarluinnartuummata Aningaasaqarnermt Ataatiimiitaliami akuersaar-
nikuugatsigit ataatsimut ilassutitut aningaasaliissutitut qinnuteqaatit Siumumit akuersaar-
sigit oqaatigissavarput.

Oqareernitsituut ilassutitut aningaasaliinissamik siunnersuut ukiumut 2012-imut tunnga-
suummat Aningaasaqarnemullu Ataatiimiitaliamit akuerseqataasernerput tunngavigalugu
annerusumik oqaaseqarfiginagit, akuerineqareernikuullutillu atorineqareernikummata
akueraagut.

Taamatut oqaaseqarluta ilassutitut aningaasaliissutit Siumumiit akuersaarpagut.